

६५

पश्चा न ता॒युं गुहा॒ चत॑तं नमो॒ युजा॑नं नमो॒ वह॑तं ।
 स॒जोषा॒ धीराः॑ प॒दैरनु॑ ग॒मन्नुप॑ त्वा सीद॒न्विश्वे॑ यज॒त्राः ॥ १ ॥
 ऋ॒तस्य॑ दे॒वा अ॒नु व्र॒ता गु॒र्भुव॒त्परि॑ष्टि॒द्यौर्न भूम॑ ।
 वर्ध॑ती॒मापः॑ प॒न्वा सु॒शिश्वि॑मृतस्य॒ योना॒ गर्भे॑ सुजा॑तं ॥ २ ॥
 पु॒ष्टिर्न र॒खा क्षि॒तिर्न पृ॒थ्वी गि॒रिर्न भु॒ज्म क्षो॒दो न श॑म्भु ।
 अ॒त्यो ना॒ज्मन्सर्ग॑प्रत॒क्तः सि॒न्धुर्न क्षो॒दः क ई॑ वरा॒ते ॥ ३ ॥
 जा॒मिर्सि॑धूनां॒ भ्राते॑व स्व॒सामि॑भ्यान्न राजा॒ वना॑न्यत्ति ।
 यद्वा॒तजू॒तो वना॒ व्य॒स्थाद॑ग्निर्ह॑ दा॒ति रो॒मा पृ॒थि॒व्याः ॥ ४ ॥
 श्व॒सि॒त्यप्सु ह॑ंसो न सीद॒न् क्र॒त्वा चे॒तिष्ठो॑ वि॒शामु॑ष॒भुत् ।
 सो॒मो न वे॒धा ऋ॒तप्र॑जातः प॒शुर्न शि॒श्वा वि॒भुर्दू॒रेभाः ॥ ५ ॥

६६

र॒यिर्न चि॒त्रा सू॒रो न सं॒दगा॑युर्न प्रा॒णो नित्यो॒ न सू॒नुः ।
 तक्का॒ न भू॒र्णिर्व॑ना॒ सिष॑क्ति॒ पयो॒ न धे॒नुः शु॒चिर्वि॑भावा ॥ १ ॥
 दा॒धार क्षे॒ममो॒को न र॒खो यवो॒ न प॒क्को जे॒ता जना॑नां ।
 ऋ॒षिर्न स्तु॒भ्वा वि॒ष्णु प्र॑श॒स्तो वा॒जी न प्री॒तो वयो॑ दधा॒ति ॥ २ ॥
 दु॒रोक्शो॑चिः॒ क्रतु॑र्न नित्यो॒ जा॒येव॒ योना॒वरं॒ विश्व॑स्मै ।
 चि॒त्रो यद॑भ्राट् श्वे॒तो न वि॒ष्णु रथो॒ न रु॒क्मी त्वे॒षः स॒मत्सु॑ ॥ ३ ॥
 से॒नेव॑ सृ॒ष्टामं॑ दधा॒त्यस्तु॑र्न दि॒द्युस्त्वेष॑प्रतीका ।
 य॒मो ह जा॒तो य॒मो ज॒नित्वं॑ जा॒रः क॒नीनां॑ पति॒र्जनी॑नां ॥ ४ ॥
 तं व॑श्च॒रथा॑ व॒यं व॑स॒त्यास्तं॒ न गा॒वो नक्ष॑त इ॒द्धं ।
 सि॒न्धुर्न क्षो॒दः प्र नी॒चीरै॑नो॒न्नवं॑त गा॒वः स्व॑र्दृ॒शीके ॥ ५ ॥